

21.12.2025

Тропарь воскресный, глас 3:

Да веселя́тся небеса́ная, / да ра́дуются земна́я, / я́ко сотвори́ держа́ву /
мы́шцею Своёю Госпо́дь, / попрá смёртию смёрть, / пёрвенец ме́ртвых
бы́сть; / из чре́ва а́дова изба́ви нас, / и подаде́ ми́рови ве́лию ми́лость.

Тропарь, глас 4:

Правило веры и образ кротости, / воздержания учителя / яви ты стаду
твоему / Яже вещей Истина. / Сего ради стяжал еси смирением
величие, / нищетою богатая, / отче священноначальниче Николае, /
моли Христа Бога, / спастися душам нашим.

Тропарь прп. Пата́пия Фивскаго, глас 8:

В тебе́, о́тче, извёстно спасе́ся е́же по о́бразу:/ при́им бо крест,
после́довал еси́ Христу́/ и, де́я, учил еси́ презира́ти у́бо плоть, прехо́дит
бо,/ прилежа́ти же о ду́шѣ, ве́щи безсме́ртней./ Те́мже и со А́нгелы
сра́дуется, преподо́бне Пата́пие, дух твой.

Кондак воскресный, глас 3:

Воскрёсл еси́ днесь из грóба, Ще́дре, / и нас возвёл еси́ от врат
сме́ртных; / днесь Ада́м лику́ет, и ра́дуется Ё́ва, / вку́пе же и проро́цы с
патриа́рхи воспева́ют непреста́нно / Божество́нную держа́ву вла́сти
Твоея́.

Кондак, глас 3:

В Мирех, святе, священнодействитель показался еси, / Христово бо,
преподобне, Евангелие исполнив, / положил еси душу твою о людех
твоих / и спасл еси неповинныя от смерти. / Сего ради освятился еси, /
яко великий таинник Божия благодати.

Сла́ва Отцу́, и Сы́ну, и Свято́му Ду́ху.

Кондак прп. Пата́пия Фивскаго, глас 3:

Храм твой, святе, духо́вное врачевство́ лю́дие обрётше,/ со тща́нием к
нему́ приходя́ще,/ цельбу́ неду́гов про́сят прия́ти,/ реше́ние же в жити́и
прегреше́нных:/ ты бо всех су́щих в ну́ждах предста́тель яви́лся еси́,/
Пата́пие преподо́бне.

И ны́не, и прѣсно, и во ве́ки веко́в. Ами́нь.

Кондак Пресвятой Богородице, глас 6:

Предста́тельство христиа́н непосты́дное,/ ходата́йство ко Творцу́
непрело́жное,/ не прѣзри грѣшных моле́ний гла́сы,/ но предвари́, я́ко
Бла́гая, на по́мощь нас,/ ве́рно зову́щих Ти:/ ускори́ на моли́тву и
потщи́ся на умоле́ние,// предста́тельствующи прѣсно, Богоро́дице,
чтущих Тя.

Прокимен, глас 3: По́йте Бо́гу на́шему, по́йте, / по́йте Царе́ви на́шему,
по́йте.

Причастен: Хвали́те Го́спода с Небе́с, хвали́те Его́ в Вы́шних.
Аллилу́иа. Аллилу́иа. Аллилу́иа.